



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theatrum Asceticum, Sive Meditationes Sacræ

Neumayr, Franz

Ingolstadii [u.a.], 1747

VD18 14516888

Præfatio.

[urn:nbn:de:hbz:466:1-54686](#)

R. P. PRÆFATI^{O.}

Meditationes, quas per aliquot annos in foliis separatis for-
tasse legisti, Lector benevole, nunc in unum conge-
stas volumen offero. Causa consilii, præter multorum desi-
derium, fuit spes fructus amplioris, atque perennaturi ex
connexione materiarum, quæ se modò oculis, & menti
integra exhibet, estque digna aspectu fixo, quia gradus com-
ponit, per quos seipsum quisque, aut suos, si aliquorum
curam habet, ducere ad apicem Christianæ virtutis debet ex
ordine, atque sensim, quando rarissime videmus contin-
gere, ut aliquis repente optimus fiat. Hunc finem unicè
me spectasse profiteor; ideoque si quis Comice & Artis regulas,
sive quæ ad inventionem, sive quæ ad dispositionem, sive quæ
ad elocutionem pertinent, non raro neglectas esse stomache-
tur, meminerit, omnem Artem esse ancillam Pruden-
tiæ, quæ illius operam sapienter repudiat, quoties ad finem
intentum obesse plus, quam prodere existimat. Discursus
solidi, Instructiones practicæ, viriles motus THEATRUM
ASCE TICUM magis expetebat, quam ingeniosos errores,
admirandas peripetas, panicos terrores, tenellas lacrymas,
de quibus Terentio, aut Sophocli plaudimus. Nimirum quia
hoc agebam, non ut à Spectaculo bene mecum, sed ut ma-
lè contenti secum Spectatores abirent, quoties utrumque
simul sperare facile non licebat. Habet finem laboris mei:
Materiam, Formam, Usum sequens pagina per Synopsin
exponit.

INDEX

